



Utoqqaat Illersuisuat

UKIUMOORTUMIK NALUNAARUSIAQ 2024

”

*Illit uangalu utoqqartaqarsimanngikkutta
maaniissimanavianngikkaluarpugut,
taamaamat utoqqaat ataqqisassaraavut
aammalu pitsaasumik atugassaqartinneqarnissaannut
inuiaqatigiit avaqqussinaanngisaminnik pisussaaffeqarlutik.*

Illit uangalu aamma utoqqalisussaavugut.

”



Utoqqaat pillugit oqaaseqartartoq / Ældretalsmanden


Oqarasuaat / Telefon: +299 54 47 07 • E-mail: utoqqaat@nanoq.gl

Josefip aqqutaa B-749 • 3921 Narsaq, Kalaallit Nunaat, Grønland • www.utoqqaat.gl

Imai

Siulequt.....	3
Inatsisitigut tunngaviit	4
2024 pisorpassuaqarpoq	5
Angalanerit.....	7
Kattuffik, Utoqqaat Nipaat	8
Utoqqalinersiat – tapiissutaasinnaasullu allat.....	9
Utoqqaat - innarluuteqarnerlu.	10
Nuna tamakkerlugu isumassuinissamut allannguisariaqarpugut.....	14
Ukiup ingerlanerani pisut ilaat	15
Tusarniutit.....	15
Kommuninut suliniutissatut siunnersuutit kajumissaarutillu.....	16
Ukioq 2025-mi samminiakkat.....	19

Saqqummersitsisoq:	Utoqqaat pillugit oqaaseqartartog – Josefip aqputaa 749, 3921 Narsaq, Kalaallit Nunaat – www.utoqqaat.gl
Saqqummerfia:	Juli 2025
Allattoq:	Utoqqaat pillugit oqaaseqartartog Kiista P. Isaksen
Nutserisoq:	Dorthe Kielsen
Assit:	Utoqqaat pillugit oqaaseqartartog



Siulequt

Nalunaarusiami matumani Utoqqaat pillugit oqaaseqartartoq UPO-mik naalisarneqarpoq.

Ukioq 2024 tassaavoq, ukioq ilivitoq oqaaseqartartuuffigeqqaagara, aamma ukioq tassaavoq, Oqaaseqartarfiup pilersinneqarneraniit oqaaseqartartup Nuummi allattoqarfeqartuarsimagaluarluni marts qaammatani Narsamut nuunneqarnera, taamaalillunga angerlarsimaffigisanniit sulineq ingerlatilernerera.

Ukioq 2024 ingerlanerani allattoqarfik marloriarlugu inuttassarsiorpara. Allattoqarfimmi atorfilitta uattulli angerlarsimaffigisaminit sulivoq. Sulineq digitalit atorlugit ajornaquteqanngitsumik ingerlanneqarpoq.

Sulisoqarniarnera maannakkut aalaakkaavoq aammalu qularutigineqassanngilaq, Oqaaseqartartutut ukiut tulinnguuttumut qulequttanik angumeriniakkannik utoqqarnut apeqqutini tunngassuteqartuni sulii pimoorullugu suliaassanik ulikkaarmat.

Taamaattoq aningaasaliissutaasartut taama isikkoqartillugit, sulisorisaq ataasiinnaatillugu qulequttat siunerfigisat suliariniarluartillugit imaannanngimmat taamalu appasittuartigitillugit unammillernartuummata.

Ukioq 2023 naajartornerani, ukiorlu 2024 aallartinnerani Kommunit kajumissaarpakka utoqqaat, UPO-mi oqaloqateqarusuttunut ininik ataatsimiinnermilu atortunik utoqqarnut pisariillisaataajumaartussanik periarfiseeqqullugit. Suliaq tamanna kommuninit ataasiakkaanik naammassineqarpoq.

Ukioq 2024, utoqqaat utoqqarnullu apeqqutini allani utoqqaat atugarisaannut attuumassuteqartuni, allattoqarfigisannut saaffiginissutit amerlariangaatsiarput, ukioq 2023 sanilliukkaanni saaffiginittut 300 %-mik qaffariaateqarmata.

Utoqqaat, utoqqarnut sammisuni sullissisut, qanigisaasut, peqqinnissaqarfinniit, peqatigiiffinniit il,il, utoqqarnut suliani tunngassuteqartuni saaffiginissutit amerleriaateqarnerannik minnerunngitsumik peqquteqarpoq, sapinngisaq tamaat Utoqqaat pisinnaatitaaffiisa qaammarsaassutiguarternatigut oqaaseqartarfinniit ingerlatsineq, sulilu tamanna ineriartortinneqarluni aallunneqartoq.

Taakkua saniatigut oqaaseqartartutut ukiup ingerlanerani paasititsiniaanerit arlallit ingerlappakka, utoqqaat illuinut pulaartarnikkut paasisassarsiorarnikkut, oqaloqatiginnittarnikkut, ataatsimut tamaasa isigalugit, uppersarsinnaalerlugit tikittarsimasanni oqaloqatigisarsimasannilu utoqqaat qanoq atugassaqaartitaanersut, taamaattoq erseqqissaatigissavara sineriak tamakkerlugu "assiliartaliinerunngimmat".

Oqaaseqartartutut maluginiarpara, utoqqartagut ukiuni amerlasuuni unammilligassaqaarsimasut. Innuttaasunik, utoqqarnik, qanigisaasunillu oqaloqateqartarnitsinni piviusut paasisaqarfigingaatsiarakkut.

Utoqqaat, utoqqarnullu attuumassuteqartuni inooqataaneranni, atugassarititaannik oqaluttuaat ammasumik saqqummiuttalernerini, isertuutissanngilara assoralisimaannartut naammattoortarakkit, tamannali unifiigiinnarnagu piviusut pitsannguuteqartitsinissaasa tungaanut oqaluuseriunnaarlugit timitalersorneqarnissaat avaqqunneqarsinnaanngilaq.


Naggasiutigalugu ukiup ingerlanerani naapissimasakka utoqqaat, attuumassuteqartut, politikkerit, sulianillu ingerlatsinerni suleqataasimasunut, suliaatsinnik tapersersuisimanissinnut periarfissaq iluatsillugu qujarusup-punga.

Nunatsinni utoqqaat atugaat pillugit atuarluarnissannik kissaallutit.

Inussiarnersumik inuulluaqqusillunga



Kiista P. Isaksen



Inatsisitigut tunngaviit

Utoqqaat Illersuisuannut inatsisitigut tunngaviusoq tassaavoq nr.37, 28. November 2019. Taaguullu 2023-mi inatsisartuni allanngortinneqarpoq imatut: Utoqqaat pillugit oqaaseqartartoq. § 1 naapertorlugu inuiaqatigiinni utoqqarnut atugassarititaasut soqutigisaasalu iluaquserneqarnissaat siunertaa-voq.

§ 7. Utoqqaat illersuisuat ukiut tamaasa suliffeqarfini pillugu ukiumoortumik allaganngorlugu nalunaarusiortassaaq.

§ 8. Utoqqaat oqaaseqartartuat piginnaatitaavoq Utoqqaat oqaaseqartartuata suliaqarfiinut pissutsit attuumassuteqartut pillugit killilersorneqarnani oqaaseqarsinnaanermut.

Imm. 2. Utoqqaat oqaaseqartartua pissutsit utoqqarnut ataasiakkaanut tunngassuteqartut pinna- git, pissutsit utoqqarnut nalinginnaasumik tunngassuteqartut kisiisa oqaaseqarfigisinnaavai.

Imm. 3. Utoqqaat oqaaseqartartua taamaallaat oqaaseqaateqarsinnaatitaavoq. Utoqqaat oqaase- qartartua aalajangiisinnaatitaanngilaq.

Angalasimanernit nalunaarusiat, kiisalu ukiumoortumik nalunaarusiat nittartagarput www.utoqqaat.gl iserfigalugu atuarneqarsinnaapput.

Aningaasaqarneq, kiisalu ingerlatsineq

Juli 2024 aallarnerfigalugu, allattoqarfitsinnik inissiamik attartorfigut isumaqatigiissuteqarfigineratigut Namminersorlutik oqartussat ataanni, Intern Revision attartorneq nangippaat, malitsigisaanillu Utoqqaat pillugit oqaaseqartartoqarfiup pigisai nalillit taakkununga aamma akigineqarlutik.

Taassuma saniatigut 2024 aningaasaqarnikkut annertuumik unammillernarfiuvoq, naatsorsuutiginnngisamik 2023-mi aningaasartuutissatut naatsorsuutaasimanngitsut matussuserniartariaqarneri, taakkulu 2025-mi suli malunnaateqarnissaat taamalu ingerlagallarnissaat naatsorsuutigineqarpoq. 2024-mut atuinnermut pitsaan- ngitsumik inaarneqannginnissaat siunertaralugu, immikkut tapissuteqarnissamut qinnuteqarnerigaluaq kinguneqarnikuunngilaq.


UPO pikkorissumik namminersortumik bogholdereqarallartillugu 2024-mi sippuinerit ingerlatsinerlu naam- maginartumik naammassisinnaasimavarput.

2024 ingerlanerani UPO aningaasanut inatsisip saniatigut, suliffeqarfinnut fondenullu suliniutigerusutanut tapiiffigeqqulluni qinnuteqartarsimaneri aamma kinguneqartarsimanngillat, taamaammat siumut isigisumik annertunerungaartumik tapiissutaasarsimasut ukiut kingulliit nikisinnagit tunniunneqartartut eqqarsaatigil- luaqqunarput iluarsiiffigineqarnissaat.

Taamaammat pissusissamisoortuutippara oqaatigissallugu, suliassa qarfik pitsaasumik eqiingasumillu kivin- neqassappat, ukiuni kingullerni aningaasaliissutaasartut oqaaseqartartunut allanut sanilluillugit annikippal- laarujussuarmata annertuumillu unammillernartuummata.

UPO aammalu allattoqarfimmi atorfilittaq angerlarsimaffigisaminniit suliassa qarfik ingerlappaat, ukiullu tulluuttut taamatut ingerlagallarnissaat naatsorsuutigineqarluni. Tamannalu digitalitigut atortorissaaru- teqarnikkut akimmisaarutaanngitsumik akornutitaqanngitsumillu ingerlanneqarluni, sulisut namminneq attaveqaatitigut aningaasartuutit aningaasartuutillu allat matussusertarpaat. Tamanna oqariartuuteqarpoq digitalitigut periarfissat nunatsinni atuutsinneqartut taama periarfissiinikkut illoqarfimmi attaveqaatser- suuteqarfigissaartuni taama sulisinnaaneq ingerlanneqarsinnaasoq.

Allattoqarfik ukiup ataatsip ingerlanerinnaani marloriarlugu inuttassarsiorneqarpoq, maannakkul- lu oqaatigisinnaavara aalaakkaalermat, aammalu qularutigineqassanngimmat pissutitsinnik al-



lanngortoqanngippat, ukiup ilivitsup affaanullu tulliuuttumut suli angumerisassarpassuaqarmat. Taamaakka-luortoq aningaasat, aammalu sulisoqarnikkut marluinnaaneq, sineriallu tamaat utoqqarnut tunngasuni ta-mani naammassiniarnissaa, oqaaseqartartunut allanut aammalu soorlu Inatsisartut ombudsmandianut sanil-liullugit qivinniarnera imaannaanngilaq

2024 pisorpassuaqarpoq

Saaffiginnittartut

Inuuniarnikkut atukkat eqqarsaatigalugit utoqqarnut tunngatillugu kiisalu pingaartumik inatsisitigut atuut-tunut pinnaatitaaffiit pillugit saaffiginnissutit annertunerpaapput.

Utoqqaat innarluutillit iluaqusersuutinik, aammalu ikiorneqarnissamik tapersersorneqarnissamillu pisaria-qartitsisut ajoraluartumik misinnarpoq isiginiarneqartannginneri, tassa utoqqaat innarluutillit, innarluutilin-nut inatsit naapertorlugu taperserneqartariaqarfimminni ajoraluartumik taperserneqarneq ajortut.

2023 naajartornerani, ukiorlu 2024 aallartinnerani Kommunit kajumissaarneqarput utoqqarnut utoqqaat pillugit oqaaseqartartuannik oqaloqateqarusuttunut ininik ataatsimiinnermilu atortunik utoqqarnut pisariil-lisaataajumaartussanik periarfisseeqqullugit.

Qujamasuutigeqisannillu Kommunit pingasut, Kommune Kujalleq, Avannaata Kommunua kiisalu Qeqqata Kommunua suleqatigiinnissamut isumaqatigiissusiorfigineqarfigineqarput, naatsorsuutigaaralu ukioq 2025 ingerlanerani sinneruttut marluk, Kommuneqarfik Sermersooq kiisalu Qeqertalik Kommune isumaqatigiissu-siorfigineqarumaarneri.

Tamassuma siunertaraa nunami isorartoorujussuarmi najugaqarnitsinni, nunatsinni utoqqaat qanimut at-tavigiuarneissanut periarfissinneqarnissaallu. Taamaammat Kommuninut kajumissaaruteqarpunga ininik ataatsimiinnermilu atortunik utoqqarnut, utoqqaat pillugit oqaaseqartartumik sulisuinilluunniit oqaloqate-qarusuttunut periarfissiissuteqaqqullugit, taamaasilluta immitsinnut ungasikkaluaqaluta digitalit atorlugit immitsinnut isigiitigaluta oqaloqatigiinnissamut periarfissaqalertussaammat.

Tamatumunnga atatillugu suleqataasimasunut, suliatsinnillu tapersersoratsigut qujanarujussuaq.



Ukioq 2024 UPO allaffeqarfianut saaffiginnittartut amerleriangaatsiarput.

Ukioq ilivitsaq sinnerlugu oqaaseqartartutut atuutereernerniit suliassat allat kivinniarnersa saniatigut malunnaatilimmik, utoqqarniit, utoqqaallu qanigisaanit saaffiginnissutit ukiup siulianut sanilliussinermi saaffiginnittartut 300 %-mik qaffariaateqarput.

Saaffiginnissutit annertunerpaartaat pisinnaatitaaffinnut tunngassuteqartuusarput.

Saaffiginnittartut qaffariaateqarnerat nuannaarutissaavoq, aammali tamassuma takutippaa oqariartuuteqarlunilu pingaaruteqartorujussuarmik, tassa Utoqqaat pisinnaatitaaffimminnik siunnersorneqarnissaminnik ilitsersorneqarnissaminillu annertunerungaartumik oqaaseqartartup sammisaqarnissaanik.

Kalaallit nunaanni Utoqqaat atugarisaasa UPO annertunerungaartumik Inatsit naapertorlugu oqariartuuteqarfigineqartarnissaannik naatsorsuutiginninneq naammassiniarneqassappat, suliassa qarpoq suli annertuumik.

Taamaammat suliassa qarfik pitsaasumik, aammalu Utoqqaat pisinnaatitaaffimminnik annerusumik ukkanerqarnerunissaat ataavartinneqassappat ineriartortinneqassappallu, avaqqunneqarsinnaanngilaq oqaaseqartartoq allaffimmilu atorfilittaq kisimiimmata kivitsisussat amerlineqarnissaat.


Utoqqaat atugarisaat Kalaallit nunaata kangiani qanoq innerinik Utoqqaat pillugit oqaaseqartartoq tusaqanngisaannarpoq attaveqarfigineqartaranilu, tamannalu assut eqqarsarnartuuttippara uggnartuutilugulu, taamaammat tamassuma eqqarsaatigisarnera isertuutissanngilara, utoqqaallu kangiani atugarisaat qanoq ittuuneri nunatta kitaanituulli periarfissaqartinneqarnissaat avaqqunneqarsinnaanngilaq, aningaasaliissutillu siunertamut taakkununga amigarput.

Innuttaasut tamarmik attaveqarnissaminnut tikilluaqqusaapput. Innuttaasut utoqqaat, taakku qanigisaat, oqartussaasut, allallu attuumassuteqartut.

Saaffiginninnikkut utoqqaat pisinnaatitaaffitsik inatsillu pillugit siunnersorneqarniarlutik ilitsersorneqarniarlutillu UPO-mut attaveqarsinnaapput.

UPO-mut saaffiginninnermi tunngaviatigut minnerpaamik paasisutissanik ukuningga perusuttarpugut: Ateq, mobiilip normua imaluunniit e-mail, kiisalu saaffiginninnermut tunuliaqutaasoq. Saaffiginnissutaasoq misissorneqareerluni nalilersorneqareeraangat qisuariarfigineqartuaannarpoq.

Suliani ataasiakkaani, pisortat ingerlatsinerminni inatsit naapertorlugu utoqqarnut tunngasuni UPO aalajangiisnaatitaanngilaq, taamaattoq isertuaatigineqassanngilaq, saaffiginnissutini ataasiakkaani taama siunertalinnik tigusaqartoqartarmat, taama ittuni tigusaqartoqarsimatillugu annertunerusumik siunnersuinnermik ilitsersuinnermillu aqutissiuuteqineqartarput.



Angalanerit



Kommunit suleqatigiinnissamut atsioqatigiiffigineqarsimasut innersuussutigalugit, 2024-mi angalasarninni malunnaatilimmik atorluarneqarnera pitsaasuunera oqaaseqarfiginngitsoorsinnaanngilara.

Qaqortumut, Ilulissanut, Nuummumut Sisimiunullu angalanerit.

Isiginnaarutit atorlugit Kommune Kujallermit Qaqortumiit, Nanortalik Narsaq ilanngullugit utoqqaat ataatsimeeqatigivakka.


Avannaata Kommuniani Ilulissaniit najugaqarfinnit 13-it isiginnaarutit atorlugit utoqqaat 130-nit ikinnerunngitsut ataatsimeeqatigivakka.

Avannaata Kommunianut Ilulissanut angalanermit Uummammut Ilimanamullu angalanissaagaluit angalanerimik akimmiffiit pissutaallutik piviusunngunngitsooraluartut ataatsimiinnissat isumaqatigiissutaasimasut amerlanersaat piviusunngortinneqarput.

Qeqqata Kommuniani Sisimiuniit Maniitsoq ilanngullugu utoqqaat 30-it sinneqartut ataatsimeeqatigivakka, unnukkullu Sisimiuni tamanut ammasumik ataatsimiisitsininni utoqqaat allallu attuumassuteqartut 70-nit ikinnerunngitsut takkummata pisariaqartitsineq annertusoq paasivara.

Ukiup naajartornerani nuannaarutigeqisatsinnik Qeqqata Kommunianiit ilisimatinneqarpunga Qeqqata Kommuniani kommunalbestyrelsip ulloq 28. November 2024 UPO angalanerit nalunaarusiaat paasissutissiisutigineqarsimasoq, ataatsimiinnermilu oqaluuserineqarluni. Tamatumalu malitsigisaanik piumasarineqarsimasoq Qeqqata Kommuniani utoqqaat atugaat utoqqarnut annerusumik qaammarassutigineqassasut. Aammalu ukiumut pilersaarusiorminnit ilanngunneqarumaartoq utoqqaat pisinnaatitaaffimminut annerusumik paasissutissiisarnissaq.

Angalanerit tamani, piffinni tamani angerlarsimaffimmi utoqqarnut ikiorteqartitsisarnermut ingerlatsiviusut, kiffartuussisullu ilanngullugit oqaloqatiginninnerit ataatsimeeqatiginninnerillu ingerlanneqartarput.



Kattuffik, Utoqqaat Nipaat

Sisimiuniinnitsinnittaaq Utoqqaat Kattuffiat, Utoqqaat Nipaat ataatsimeersuartitsisoq peqataaffigaarput, ataatsimeersuarnermi peqataasut tassaallutik sineriatinni utoqqaat peqatigiiffiini ingerlatsisut, Kangaatsiaq, Tasiilaq Ittoqqortoormiullu kisiisa minillugit ullunik marlunnik, utoqqarniillu 26-it miss. peqataaffigineqartoq.

Utoqqarnut Inatsissisaq pingaaruteqaqimmat, aammalu utoqqaat immikkut pisinnaatitaaffiisa qulakkeerneqarnissaat, pisinnaatitaaffiit ataatsimut katersornissaat, kiisalu kommunit pitsaaneruseqarfiit sullissinissaannut tunngavissiuunissaat, siunnersuummi siunertarineqarmat utoqqaat akuutinneqartariaqartut isumaqarama, ataatsimeersuarnissap aallartinngilaattaani UPO kissaateqarnera tunngavigalugu Naalakkersuisoqarfimmiit saqqummiisoqarpoq eqqartueqatigiinnertalimmik. Tamanna iluatsimmat saqqummiisunut periarfissaq iluatsillugu aamma qujarusuppunga.

Ataatsimeersuarneq nuannersumik imaqarluartumik ingerlanneqarpoq, nunatta sineriaani piffinni assigiinngitsuni utoqqaat atugaat nuannersut, unammillernartullu ataatsimoorluni iliuuseqarfiginiarneqartariaqartut, aammali piffinni assigiinngitsuni peqatigiiffitsik aqputigalugit iliuuseqarfigineqarsinnaasut eqqartorneqarput.




Piffinni tikitanni innuttaasunut tamanut ammasumik ataatsimiisitsisarnerit, angallannikkullu pissuteqartunik akimmisaarutit tunngaviullutik tikiingitsiisukkanni isiginnaarutit atorlugit aamma ingerlanneqartarlutik.

Taamaaliornikkut utoqqarnut atugassarititaasunik paasisaqarluartarpunga.

Februar aallartilaarnerani Kommune Kujallermi utoqqaat aamma UPO isiginnaarutitigut attaveqaatit atorlugit attaveqatigiissinnaanngornissaanut suleqatigiinnissamik isumaqatigiissuteqarluta atsioqatigiippugut. Kingornalu Kommune Kujallermi attaveqaatit atorlugit Kommune Kujallermi illoqarfiit tamakkerlugit utoqqaat ataatsimeeqatigineqarlutillu UPO suliaasaqarfii pillugit saqqummiussivunga.

Maajip qaammataani UPO Inuuniarnermikkut ajornartorsiuteqartut pillugit siunnersuisoqatigiit pilersinneqarnissaanut siunertaralugu qaqquneqarpoq, tassani aamma oqaaseqartartut allat kom-



muniniillu aallartitat sammisaqartitsinissamut majip qaammataani Nuummut qaaqquneqaratta aamma pe-qataaffigaarput.

Sammisap siunertarivaa, siunnersuisoqatigiit qanoq aaqqissugaasinnaanernut, siunnersuisoqatigiillu suut ukkatarissanerai pillugit suliarisassat allassimaffiannik misiliutaasumik siunnersuummik suliaqarneq

November 2024 Ilulissani Perorsaanermut ilinniariup aaqqissugaanut Innarluutillit pillugit isumasioqatigiit-toqarnissaanut UPO qaaqquneqarpoq. Tassani utoqqaat innarluutillit atugaat aammalu sulisussaqaarniarnermut tunngasut, kisitsisit piviusut, utoqqartattalu innarluutillit atugaat pissutsit piviusut aallaavigalugit saqqummiunneqarlutik.

Tamatuma saniatigut ukiup ingerlanerani paasititsiniaanerit arlallit ingerlanneqarput, utoqqaat illuinut pulaarnerit oqaloqatiginninnerpassuit, aammat-taaq angalasarninni nammineq takusannik utoqqaat qanoq atugaqarnersut uppersarsinnaalersimallugit.

Angalasarninnittaaq annertunerusumik paasisaqaarfigalugillu uppersarsisarpakka, utoqqaat inooqataanermikkut atugarisaat piviusut qanoq ittuuneri.



Utoqqalinersiat – tapiissutaasinnaasullu allat.

Ilisimaneqartutut utoqqalinersialinnut aamma siusinaartumik pensionisialinnut atuuttussamut, imminut pilersuisussaaqatigiinnerup atorunnaarsinneqarnera 1.januar 2024 atuutilersinneqarpoq.


Ukiorlu allartiinnartuq allattoqarfitsinnut saaffiginnissutinik arlalinnik tigusaqarpugut, 2024-mut utoqqalinersiasat annertussusilerneqarnerit 2023-mut sanilliullugit ilaatigut appariaateqarsimasuni.

Taamaammat paasinarluinnaqqissaarnikuuvuq, utoqqalinersialinni ingamillu annikinnerusumik tigusaqartalersunut annertuumik paatsuungatitsisimammat, pilersuisussaaqatigiinnerummi atorunnaarsinneqarnerata kingorna Utoqqaat aningaasaqarnikkut atugarissaanerulersinneqarnissaat siunertaammat, killormoortuanik misigisallit pillugit oqaaseqarfiginngitsoorsinnaasimannginnakkit.

Tamanna tusaarniarneqarluni, qaammatit ikittut ingerlaneranni aaqqiivigineqarnera, Naalakkersuinikkut maj 2024 aaqqiissuteqarneratigut iluarsiiissuteqarfigineqarnera toqqissisimalersitsivoq, pilersuisussaaqatigiinnerullu atorunnaarsinneqarneranut atasumik saaffiginnissutit appariarnerinik malunnaateqartumik.

Utoqqalinersiat sammeneqarnerani suli naammattuugassaasarpur, utoqqalinersiat saniatigut inummut tapiut aamma peqqissutsikkut innarluuteqarnerlu peqqutigalugu utoqqalinersiat saniatigut tapiissutigineqarsinnaasartut pillugit, Utoqqaat atukkaminik siunnersoqqullutillu ilitersooqqusunik sunik pisinnaatitaaffeqarnerminnik paasisaqarnerorusuttunik.

Taamaammat kommuninut tamanut, lsumaginninnerup aqunneqarnera aaqqissorneqarneralu naapertorlugu, pingaartinneqartuagassaavoq utoqqalinersiat tunniunneqartartut saniatigut, inummut tapiutit kiisalu innarluuteqarneq peqqussutsimillu tunngassuteqartuni ikiorsiissutitaasinnaasut, Utoqqalinersianut inatsit naapertorlugu, utoqqarnut qaqugukkut tapiissuteqartarnerisa ersarinneqarneqartuartarnissaat paasisutisiiissutiguartarnissaallu.



Utoqqaat - innarluuteqarnerlu.

Saaffinniissutaasartunut ilaavoq, Utoqqaat innarluuteqarnertik peqqutigalugu immikkut ikiorneqartariaqartartuni siunnersorneqarnissamik ilitserorneqarnissamut iluaqusersuuteqartinneqartarnerminnut tunngasuni. Oqaaseqartartut suli pingaarteqarpoq erseqqissaassutigissallugu, utoqqalisimagaluaraanniluunniit aamma Inatsisartut inatsisaat, inunnut innarluutilinnut taperse neqarsinnaaneq pisinnaatitaaffiummat, Utoqqaat illuaniikkaanni imaluunniit suli namminerisaminik angerlarsimaffeqaraluaraanni, innarluutilittut ikiorse neqarsinnaanermut inatsit pillugu suli Kommunit ersarisaa juartarnissaat pingaarteqarmat.

Utoqqaat kisimiillutik oqaloqateqarnissamik kissaateqarsimasut saqqummiussa itisilinngikkaluarlugit ima qulequtanngorlugit saqqummiunneqarsinnaapput;

*Unnukkut pulaartunut
sulisut anissisarnerat
maluginiartarpara, innimisunneq
atulertarlugu.*

*Sulisut nereqataasinnaatitaanginneri
utoqqatsinartarpoq, issiaqatigaluta
nereqataasartuugunik nererusunermik
kinguneqartassagaluarpoq.*

*Utoqqaat illuanni
pisortaatitaasoq
maqaasisarparput, ullaakut
alakkaaneq ajorami,
ataatsimoorfitsinnilu
peqataasinnaangittarnera
uggornartarluni.*

*Pisariaqartitsiffinni sianip
nusuttaataa inuleraangakku
annikillio rtarpunga, ilaatigut
imerusukkaluarlunga imeq
isigiinarlugu tigusinnaanagulu
assut iluangersunarisarpara.*

*Nammineerlunga
isumagisinnaa junnaarnikuuvunga,
ikiorneqartuartariaqartarlunga,
aamma innaajaartitaasarnera
nuannarinngilara, unnuk unnuarlu
takisaqaaq.*

*Utoqqaat
oqaloqatissaaleqisarpugut,
sulisut ulapittarmata piffissaq
killeqartarpoq.*

Sulisunik oqaloqatiginnittariaqalersarneq, apuusisariaqalersarneq, aammalu nalunaarutiginnittariaqaler- nermut tunngaviit assersuutaasinnaasut ilaatigut makkuuput;

- Iserfigaara utoqqaq 80-nik ukiulik nammineersinnaanngitsoq siniffimmi nalasoq, niui nukeqanngillat, sanngiitsuullunilu. Sianeq iikkami nivingavoq, utoqqaap 1. meter missaanik sianeq inorpaa siniffiata tunuaniimmat, imigassaa nerriveeqqamiippoq aamma 1. meter missaanik ungasissuseqarmat tigusin-
naanagu, ullaamalli isertoqarnissaminik utaqqisimavoq, suaartartaluarluni nipikikkami tusaaneqarsin-
naasimanani.
- Iserfigaara 90-nik ukiulik, rullestolinik qinusaraluarluni tuniumaneqannginnami ilaqtutaminut pulaartar-
mat iluaqtissarimmagit ilaqaataa pitsissimavaa.
Paasissutissanik ersarissunik siammarterisoqartarnissaa kissaatigivaa, tupigusulluni ilisimatippaatigut
aatsaat nammineq tusarlugu peruluttoqaraangat qanigisat tukkutinneqartarsinnaasut, aammalu neriner-
mi akiliuteqarlutik nereqataasarsinnaasut.
- Iserfigaarput utoqqaq 74-nik ukiulik. Nuukkusunnani pinngitsaalineqartutut misigisimalluni utoqqaat il-
luannut nuutsinneqarsimasoq. Utoqqaat illuanni nerisaqartitaanertik naammagittaalliutigaa, nerisas-
sat utoqqarnut tulluannngitsut sasaalliutigineqartarmata, assersuutitut taakkartorpai puulukit, kukku-
kuuaqqat, gullash aammalu millionbøf tassaasut sassaalliutigineqarnerpaasut. Aammagooq aalisakkat
naammaneq ajorput amigartunik igganneqartaramik, ullut ilaanni kissartutugassarisarsimavaat "risen-
grød".

Utoqqaat illui – utoqqaat illuinut inissamik neqeroorfigineqarnissaminut utaqqisut.

Ukiuni arlalinngulersuni Naalakkersuinikkut aammalu Kommuninilu ilisimaarineqarpoq, inuiaqatigiit atugaris-
saariartornerat ilutigalugu inuunertunerulersuusugut. Tamanna nuannaarutissaagaluartoq, paarlattuani nu-
natsinni inuiaqatigiit ukiuisa aggulunneqartarnerisa takutippaat, sulisinnaasut ikiliartortut, tamassumalu oqa-
luttuuppaatigut utoqqaat tungaannut unammilligassanik pisussaaffinnillu imaanaanngitsumik malitseqartoq.

Ukioq 2024 kommunit attavigisarnerisigut misissuivunga, utoqqaat utoqqalinersiaqarsinnaatitaanermut uki-
ut killissaritinneqartuni, utoqqaat illuannut inissamik, utoqqalinertik peqqutigalugu neqeroorfigineqarnissa-
mininnut utaqqisut qassiunersut.


Assiliaq tamakkiisuunngikkaluartoq taamaattoq utaqqisut 207 amerlassuteqarput. Tassannga immikkoortin-
neqanngillat puigortunngortut qanoq amerlatiginersut.

Taamaammat UPO tungaanut oqariatuutigissallugu pingaaruteqarlunnarpoq maanngangaaq iliuseqarto-
qarnissaq, maannakkut ukiunilu tullinnguuttuni illit uangalu pitsaasumik utoqqartut inooqataanissatsinnut
piareersarnerani atugarissaartitsisoqarnissaq siunertaralugu aallutariaqavimmata.

Ukiut pingasut matuma siorna lsumaginninnermut Naalakkersuisoqarfiup nalunaarusiaa naapertorlugu,
Naalakkersuisut ammanerusumik pissusiviusunillu tunngaveqartumik oqallittoqarnissaannik suliniuteqar-
toqarnissaanillu kissaateqarput, ilaatigut ima isumaqatigeqqissaakkannik oqariatuuteqarfigineqartumik:

"Inuiaqatigiinni unammilligassatta suliarinerini tamatigut pissusiviusunik tunngavilimmik unammilligassagut
aalluttariaqarpagut. Taamaaliornikkut pitsaanerpaanik tunngavissaqalissaagut piviusunik aaqqiissutissarsior-
nitsinni aammalu periusissianik suliaqarnitsinni Inatsisartut aamma kommunit suleqatigalugit. Nalunaaru-
siami tikkuarneqarpoq naatsorsuutigisariaqassagipput minnerpaamik ilassutitut utoqqarnut inissiat ilassutis-
saat 750-it atorfissaqartinneqassasut. Ilimagineqarpoq taakkua 1,1 mia. kr.-inik akeqarumaartut. Taakkua
anigaasarpassuupput, - tamatumalu aamma ersersippaa utoqqarnut tunngatillugu suliasaqaarfik siunissat-
sinni qanoq inuiaqatigiinnut aningaasarsior-nitsinnullu sunniuteqassanersoq."

Utoqqarnut inissianik, utoqqarnullu paaqqinniffinni inissanik siunissami pisariaqartinneqartussanut
takorluukkat pingasut aallaavigalugit nalunaarusiami aningaasaliinissamut ukiuni qulini tulluuttu-
ni pisariaqartinneqartussatut kommunini tamani taama pisariaqartitsisoqartoq oqariatuutigine-
qarpoq.



Utoqqarnik paaqqinniffinnut tunngasut Utoqqarnik paaqqinniffiit il.il. pillugit Inatsisartut peqqussutaat nr. 11 ulloq 30. oktober 1998-imeersumi malittarisassiorneqarsimapput, kommunini utoqqarnik paaqqinniffinnik sanaartornernut ingerlatsinernullu aningaasartuutit kommuninit ataasiakkaanit isumagineqartussaallutik. Kommuninili utoqqarnik paaqqinniffinnik sanaartornernut Nunatta karsia ullumikkut tapiissuteqarsinnaavoq.

Isumaginninnermi sanaartukkanik ineriartortitsinissaq pillugu kaajallaasitaq normu 213, 30. november 1993-imeersoq naapertorlugu pisarpoq, aningaasat amerlassusaat ukiumoortumik aningaasanut inatsimmi inaarutaasumik aalajangerneqartarluni. Aningaasanut Inatsit aqqutigalugu aningaasaliissutinit 50% ti-killugu tapiissuteqartoqarsinnaavoq. Siornatigut suliniutaasarsimasut aningaasaleeqataaffigineqarsimasut 25%-imit 50%-imut aningaasaleeqataaffigineqartarsimapput. Inatsisartut peqqussutaanni allassimavoq, kommunini utoqqarnik paaqqinniffinni inissat pisariaqartinneqartut pigineqarnissaat kommuninit ataasiakkaanit akisussaaffigineqartoq.

Qularinngilara tamanna Kommunit amerlanerpaartaasa periarfissaq utoqqaat illuinik sanaartornerminni atortarsimassagaat.

Peqqussut taaneqareersoq innersuussutigalugu, naatsorsuutigilluinnarpara Utoqqaat illuliortiterneq siunertaralugu, tapiissutitut aningasaliissutaasut siunertarpiamut atugassiissutigineqartarsimanissaat. Kommunini naammattuuisarpunga, Utoqqalinersiaqarsinnaatitaanermut ukiut killissarititaasut ataallugit ukiullit, innarluuteqarneq peqqutigalugu najugaqartinneqartunik.

Taamaammat annertuumik uggornartuutippara nammineq kisitsit paasisakka, ammalu qitiusumiit kisitsisit, utoqqarnut sammisuni inissat ukiuni tullinnguuttuni missaliuunneqartut qiviaraanni, Utoqqaat pillugit atugarissaannik angalasarninni naammattoortarakkit, innuttaasut innarluutillit ukiut killissarititaasut anguneqarsimanngitsuni inissamik neqeroorfigineqartartut, ilaat 50-nik sinnilaaginnarlugit ukiullit, innarluutilittut pisinnaatitaaffitsik naapertorlugu allatut suliniarfigineqarnissaminnik piginnaatitaaffillit, Inatsisartut inatsisaat nr. 13 12 .juni 2019-meersoq naapertorlugu, pingaarnertut §§ 46 – aamma 47 innersuussutigalugit.

Maannamut naammattoornikuusakka 67-it ataallugit ukiullit 27 utoqqaat illuaniisinneqarput, taakkualu utoqqarnut utoqqalinerit peqqutigalugu inissamik neqeroorfigineqarnissaminnut utaqqititsinermi kallaasuusut.

Utoqqaat illuinik ingerlatsinermi Utoqqaat tapersearneqartarnissaanut inatsisissaq pitsannguutaasussanik malitseqartinneqartussaq annertuumik UPO tungaaniit neriuteqarfigineqarpoq. Taamaammat qanoq ilisukkut Inatsit akuersissutigineqarpat, Kommunit pinngitsoqaratik Utoqqaat atugarisaasa sullinneqarnerisalu pitsannguuteqartinneqarnissaat siunertaralugu annertuumik suliassaqarput

Sumiiffinni tikeraarsimasanni aammalu allattoqarfitsinnut saaffiginnissutaasartut aallaavigalugit sullissinermi annertuumik suliffigissaanissaq, tamassumalu annerungaartunik sammineqarnissaa avaqqunneqarsinnaanngilaq, pitsaasussap tungaanut utoqqarnut sullissinerup naammagisimaarnarnerusumik Utoqqaat inooqataanermikkut ukkanneqarneri ingerlanneqassappata.

Paasissutissaq

Utoqqarnik paaqqinniffiit il.il. pillugit Inatsisartut peqqussutaat, nr. 580-imi 29. november 1978-imeersumi § 2 tunngavigalugu makku aalajangersarneqarput:

Utoqqarnik paaqqinniffinnut il.il. nuunnissami piumassaqaataasut nalinginnaasut

§ 1. Pensionisiallit namminneq angerlarsimaffiminniiginnarsinnaanngitsut kommunimi utoqqarnik paaqqinniffimmut nuunniarlutik qinnuteqarsinnaapput.

Stk. 2. Pensionisiallit paaqqutarineqarnissamik sullinneqarnissamillu kommunip utoqqarnik paaqqinniffiani naammassineqarsinnaanngitsunik pisariaqartitsisut peqqinnissaqarfiup ataani paaqqinniffimmut nuukkumallutik qinnuteqarsinnaapput.

Sulisunit saqqummiussat, assersuutit;

Suliffik nuannerpoq, utoqqaat nuannareqaakka pissarsiaqarfisarlugillu, suliaannartuuvunga, Suliffinnut iserlungalu silarsuara ammartarpoq.

Nipaatsuugaluarlunga apuuneqartariaqartut annittarpakka. Iluaagisatsinnik killilersorneqartarpoq iluaagisarpara.

Sulisussaaleqilertarpoq nalinginnaq. Utoqqarnut aaliangersimasunut, assersuutigalugu angutitut angutit sulisoqarnissaq pisariaqartittaraluarparput, nukersortoqarsinnaasarami.

Sulisoqarnikkut tunniusimasunik sulisoqarneq qujamasunnarpoq – sulinermit akunnerit 8 naammattaraluartut sulinngittoortoqartillugu sulisut suleqqittariaqartarput.

Aqutsisugut pikkorippuk kisianni eqqortumik aqutsineq maqaasinarpog.

Ataatsimiittarnerit akuttuneri kipiluttunarpog. Taamaallaat suliaqut aalluppagut.

Utoqqaat maanga pisarput inuunertik naajartorlugu.

Sulisut amigartuaannaratta angumer-siniaanaq sulivugut.

Sulisut aalaakkaasut qujanartaqaat sulinngitsoortoqartillugu sulisaramik.

Ilaani misigisarput soorlu utoqqaat tigusat, nallinnarput.


Sulisut ilaqarput piffissamik eqqil-lutik suliarporneq ajortut. Ilaanni akunnerit 1-2 kingusinaartarput.

Utoqqaat akornanni aaqqiagiinnginnernik psioqartarami. Sulisut utoqqaat qanimut anguneq ajoratsigit angumeriniagassat pillugit

Sulisut qiimassaajuarlutik sulisut nuannersorujus-suuput, sunniuteqartaqaat.

Sulisut amerlineqarsinnaaneri ataatsimiinnermi qaqittaraluarpagut. Utoqqaat maqaasisaramik-ku iniminni pulaartoqarnissaq. Ineqataannut aamma pulaartillugit nuannartartorujussuuput. Ajoraluartumik ulapingaaratta taamaaliorsinnaajunnaartarpogut.

Sulisussaaleqiffimmi ataana-vissumik 12 – 17 tiimit sulisariaqartarpogut.



Nuna tamakkerlugu isumassuinissamut allannguisariaqarpugut

Ullumikkut utoqqarnut atugaritinnegartut marluupput. Siulleq iluatsitsilluartumik oqaluttuartaasartuq aappaa annertunerusumik ernumanaateqarluni.

Ukioqqortusiartornerput iluatsitsilluartumik oqaluttuassartaavoq. Ukiorpassuarni tamassuma tungaanut kinguarsimareerluta, nunani avannarlerni inuit ukiuisa agguaqatigiissinnerinut nalimmakkiartulerpugut. Tamatta angajoqqaagut ernuttagullu najorlugit takinerusumik inuuneqarnissarput naatsorsuutigisinnaavarput. Ukioqqortusiartornerput kinguneraa, utoqqaat amerlanerulerneru.

Illua-tungaani sulisinnaasut utoqqarnillu isumaginnittussat ikileriassapput malunnaateqalereerlunilu. Inerinerineqarpoq, kommunini tamani sulisussaaleqineq – angerlarsimaffimmi aamma utoqqaat illuini. Tamanna isumaqarpoq, sulisut arpannerusariaqartut, aqutsisullu suliassaminnik pingaarnersiuisariaqalerlutik.

Taamaattumik pitsaanerusumik sullinneqarnissamut, utoqqaallu atugarissaarnerulernissaanut periarfissat tungaatigut unammilligassat sulii annertupput. Ajorluartumik naammattoortapagut kiserliortut, pisunut peqataatinneqanngitsut.

Puigortunngorneq

Kisitsisit qiviaraanni peqqissutsimik peqquteqartumik puigortunngorneq pillugu saaffiginnissuteqartartut malunnaatilimmik amerliartorput ingamillu qanigisaasunik saaffigineqartarnerit akulikilliarput.

Puiortunngortut amerliartorput. UPO-mut saaffiginnissuteqartartut, qanigisamik puigortunngoriartorneranik peqquteqartumik ulloq unnuarlu nakkutigineqartariaqartunik kommunerisaminnut ikioqqullutik nu-kingisaarigaluarnermi ikiorteqarsinnaanngitsunik saaffiginnittartunik.

Uggornartuuttippara sumiiffinni ataasiakkaani ingamillu avinngarusimasuni, tamassuma annerusumik eqqumaffigalugu peqqinnissaqarfimmi puigortunngornermi pasitsaasartuqartillugu qulaajaasinaneq tamakkiisuunnginnera, minnerunngitsumillu puigortunngortoqarsimatillugu sullissinermik periut-sinik aammalu pissaanermut inatsimmik aalajangersakkat naapertorlugit sulii unammillernartuusut ilisimallugit.



Paasissutissaq

67-it ataallugit ukiullit innarluutillit, kiisalu puortunngorsimasut utoqqaat illuini najugallit

Avannaata Kommunia, katillugit: 9

Puortunngortut katillugit: 16

Ajorluartumik ilulissat aamma Qaannaaq kisitsisinngorlugit pissarsianngilagut

Qeqertalik Kommuni, katillugit: 2

Puortunngortut katillugit: 10

Ajorluartumik Qasigiannguit aamma Asiaat kisitsisinngorlugit pissarsianngilagut

Qeqqata Kommunia, katillugit: 4

Puortunngortut katillugit: 31

Kommuneqarfik Sermersooq, katillugit: 4

Puortunngortut katillugit: 19

Nuumminngaaniit, Nuussuarminngaaniillu ajorluartumik kisitsisit pissarsianngilagut

Kommuni Kujalleq, katillugit: 6

Puortunngortut katillugit: 26

67 ataallugit ukiullit innarluutillit utoqqaat illuini najugallit katillugit: 25

Puortunngorsimasimasut utoqqaat illuini najugallit katillugit: 102

Ukiup ingerlanerani pisut ilaat

Unnuk kulturisiorfik

Januar 2024, Nuna tamakkerlugu unnuk kulturisiorfik, Kulturnat ingerlanneqarneranut atatillugu Narsami innuttaasunut tamanut ammasumik, peqataaffigilluarneqartumillu ingerlanneqarpoq.

Ilisimasanik avitseqatigiinneq

Puiortunngorneq pillugu ilisimasaqarluartoq, peqqinnissamut puiortunngornermullu ikiortitut Nuummi atorfeqartoq Kristoffer Egede, puiortunngorneq pillugu oktober qaammataani oqaloqatigineqarpoq, attaveqatigiittarnissamullu isumaqatigiittoqarluni.

Pisortaqarfinni digitalimik atuinerulerneq

Utoqqaat unammilligassaannik Digitalinngortitsinermik Aqutsisoqarfik januar qaammat ataatsimeeqatigineqarpoq.

Ataatsimeeqateqarnerup siunertaraa, utoqqaat pisortaqarfinni digitalinngortitsinermut atatillugu unammilligassaannik Digitalinngortitsinermik Aqutsisoqarfimmut avitseqateqarnissaq.

Utoqqaat pillugit oqaaseqartartup sammisap iluani saqqummiussai ilaatigut makkuupput;


- Utoqqaat digitalinngortitsinermut atatillugu unammilligassaat,
- Utoqqaat MitID-mik ajornartorsiuteqalersillugit kinguaanut allamiullu oqaasii atorlugit nittartakkanut innersuunneqartarnerat pisortaqarfinnit sumiginnaanerusoq.
- Utoqqaat NemID-mik atuisinnaanngippata assersuutigalugu aningaaserivinnut ornigullutik aningaasanik nussinermi tigusinermiluunniit akiliuteqaaqartariaqartarnerat
- Pisortaqarfinnit atortorissaarutit digitaliusut atorlugit ingerlatsineq atugaajartuinnartillugu pingaartumik utoqqarnut qaammarsaajuarnissaq pisariaqartoq, minnerunngitsumillu Digitaalinnngortitsinermut atillugu pikkorissaasarnissaq, Kommunit suleqatigalugit ingerlanneqartarnissaa kajumissaarutigineqarluni.

Tusarniutit

Utoqqaat atugaannut pingaaruteqartunik inatsisitigut suliniutinut allatigullu, UPO tusarniaaffigineqartartussaavoq. Ukioq 2024 ingerlanerani UPO Inatsisissatut, Nalunaarusiassatut, Kommunit ataatsiakkaat utoqqarnut pilersaarutitik pillugit, Pinaveersaartitsinermut, Suleqatigiit nalunaarusiassannut il.il. tusarniaaffigineqartarnikuuvoq, taakkualu katillugit 10-12 missaanik ukioq 2024 ingerlanerani amerlassuseqarput.

Uparuanngitsoorsinnaanngilara, pingaarnertut inatsisissanut aammalu nalunaarusiassanut tunngassuteqartuni tusarniutit, UPO-mut piffissaagallartillugu nassiunneqartarnissaat pingaartuutikkakku. Sulisut marluinnaammata immikkullu taakkunungarpiaq aammattaaq utoqqaat soqutigisaat tunngavigalugit oqaaseqarfigineqartartussaammata.

Appaattut aamma uparuartariaqarpara, misinnartarmat UPO-mut pingaarnertut inatsisissatut aammalu nalunaarutissatut tusarniutigineqartut utoqqarnutaaq kiffartuunneqarnerinut tunngassuteqartuni minineqartarsimasinnaanera pasitsannarmat, soorlu arajutseqqavakka tusarniutaasimasut assersuutit; Peqqinnisaqarfiup iluani napparsimasut naammagittaalliuteqarsinnaanerannut taarsiiffigineqarsinnaanerannullu tunngatillugu aningaasat amerlassusissaasa pillugit Namminersorlutik Oqartussat nalunaarutaat, aamma Peqqinnisaqarfiup sullissinerinut akiliuteqartarneq pillugu Namminersorlutik Oqartussat nalunaarutaa.



Kommuninut suliniutissatut siunnersuutit kajumissaarutillu

UPO-tut sumiiffinni tikittarsimasanni takusarsimasakka najoqqutaralugit, utoqqaat inooqataanermikkut atugarisaasa pitsannguuteqartinnissaat siunertaralugu Kommuninut suliniutissatut kajumissaarutit uku ingerlateqqippakka.

Suleqatigiinnissamut isumaqatigiissut

- Kommunit suliniutigissagaat qulakkeerlugulu, Kommunit aamma Utoqqaat oqaaseqartartuata akunnerminni suleqatigiinnissamut isumaqatigiissut susassaqtunut ingerlateqqinneqarnissaa

Utoqqarnut sammisassaqtitsiviit


- Suliniutigineqassasoq, Utoqqarnut sammisassaqtitsiviit utoqqarnut tamanut ornittagaasinnaalissasut, pingaarnertut qamutunut kaasuartagalinnut atuisunut tulluarsagaanissaat.
- Suliniutigineqassasoq, Utoqqarnut sammisassaqtitsiviit sillimaniarneq eqqarsaatigalugu qimaaffissiat er-sarissarneqarsimassasut aammalu piviusuusaartitsilluni sungiusartitsinerit ingerlanneqartarnissaat
- Suliniutigineqassasoq, qarasaasiatigut attaveqaatit atorlugit sammisassaqtitsiviit, pisortaqarfinnut orni-guteqqaanngikkaluarluni utoqqaat saaffiginnissinnaalersinnissaat.
- Suliniutigineqassasoq, utoqqaat pineqartillugit sammisassaqtitsiviit paasititsiniaaffittut, pisortaqarfiit aallat peqatigalugit, soorlu akileraartarnermut aqutsisoqarfik, peqqinnissaqarfik, angerlarsimaffimi ikiorte-qartitsisarneq, utoqqalinersiat pineqartillugit, utoqqaat illuanut nuuttussanngornermi eqqumaffigisas-sat, il.il annertunerusumik qaammarsaaffiginninnermi periarfissallu suuneranik atorluarneqarnissaat.

Utoqqarnut tamanut tunngasut

- Kommunit pingaartillugu suliniutigissagaat, ataqatigiissumik utoqqarnut politikki tamanik takuneqarsin-naalersussaq ilusilersussagaat.
- Tamatuma kingorna, utoqqarnut sammitinneqartuni Utoqqaat allallu peqataatillugit oqallititsiner-nik ingerlatsarnissaq.

Nunaqarfiit – Angerlarsimaffimmilu ikiorteqartitsisarneq

- Kommunit suliniutigissagaat, nunaqarfinni peqqissutsikkut – isumaginninnikkullu attuumassuteqartunik, angerlarsimaffimmi ikiortissaqartoqanngitsillugu, utoqqaat ikiorteqartariaqavissut qulakkeerinnittarnis-saq siunertaralugu periusissior-taqarnissaa.
- Suliniutigineqassasoq, angerlarsimaffimmi ikiorteqartitsiner-mi kiffartuussinerup pitsaassusi-lerneqarnis-saat. Kajumissaarutigerusunnaarpoq, tamassuma suliarineqarnerani, Utoqqaat taper-serneqartarnissaanut inatsissamut kiffartuussinissamut pitsaassusiliinissap suliareqqinneqarniarnerani, Utoqqaat pillugit taper-serneqartarnissaanut inatsissamut tulluarsareernissaa
- Suliniutigineqassasoq, Angerlarsimaffimmi ikiorteqartitsisar-nissamut aalajangiisoqarsimatillugu, Inatsisartut inatsisaat Pisortat ingerlatsinerminni suliassat suliarineqarnerat pillugu, erseqqissumik aalajangiis-summi allaaserineqartarnissaa ikiorteqartitsinerup aallartinneqarneraniit qaqugu kikkunniillu naliliiffi-geqqinneqassanersoq, soorluttaaq ikiorteqartinneqartumut angerlarsimaffimmi ikiortip suut suliassarine-rai atuisunut erseqqissumik nalunaarutigineqartassasut.
- Suliniutigineqassasoq, piginnaanngorsaqqiisarnermi siunniussaqarnissaq, aallartinneqarlunilu.
- Suliniutigineqassasoq, angerlarsimaffimmi ikiorteqartitsisarnermi sulisut angerlarsimaffimmi ikiortaasar-neq, peqqissutsikkut – isumaginninnikkullu sammitinneqartuni pikkorissaasarnerit ingerlanneqartarnis-saat, taamaalilluni sulisussaaruttarneq ingalassimaneqarsorinarsinnaammat.




Utoqqalinersiat saniatigut peqqissutsikkut – inummullu tapiutit, nammineersinnaassusiaa-gaasarneq - peqqinnissaqarfik

- Kommunit suliniutigissagaat, utoqqalinersialik utoqqalinersiat saniatigut inummut tapimik, imaluunniit innarluuteqarneq peqqissutsikkullu peqquteqartumik tapiissuteqassatillugu tunniussisoqaraangat aalajangiinermiit, tapiissutit aningaasanngorlugit Utoqqarnut tunniunneqartussaattillugit akimmisaarutaasinnaasut pinngitsoortinniassallugit pinasuartumik aaqqiivigineqassasut.
- Suliniutigineqassasoq qulakkeerinneqataaffigalugulu periusissiorfigalugu, Utoqqaat illuanni najugaqartut nammineersinnaassusiarneqarnissaannut saaffiginnissutaasut pimoorullugit susassaqtunut ingerlateqqinneqartarnissaat
- Suliniutigineqassasoq, Utoqqaat illuani najugaqartunut najugaqarnermi utoqqalinersiat tunniunneqartartut aamma utoqqaat illuani najugaqarnerup nalaani annertussusiliinerit nassuiaassutigineqartarnissaat.
- Suliniutigineqassasoq, Utoqqaat peqqinnissaqarfimmi katsorsarneqareersimatillugit suleqatigiinnerup nalimmassarneqarnissaa

Utoqqaat illui

- Kommunit suliniutigissagaat, pingaartillugulu ukiumoortumik nakkutilliisussaataitanerup pisussaaffiunera, ingerlallugulu aallartinneqassasoq.
- Kommunit suliniutigissagaat utoqqaat illuini suliffimmi avatangiisit pillugit misissuisoqarnissaa
- Suliniutigineqassasoq, utoqqaat illuini utoqqaat najugaqartut, Inatsisartut inatsisaat inuit innarluutillit tapersearneqartarnerat pillugu, pisiaraqartitaat suunerisa qulaajaaffigineqarnissaat



- Suliniutigineqassasoq inunnut innarluutilinnut, Utoqqaat illuini najugaqartinneqarsinnaanermut ukiut killissarititaasut tikinneqarsimanngitsuni, Inatsisartut inatsisaat inuit innarluutillit taparserneqartarnerat pillugu, pisiaraqartitaat suunerisa qulajaaffigineqarnissaat
- Suliniutigineqassasoq, Utoqqaat illuini najugaqartunut kiffartuussinermi pitsaassusiliinissamut naleqqussaasoqassasoq, inassutiginarlunilu sutigut tamatigut tulluarsaasoqassasoq.
- Suliniutigineqassasoq illorsuarmi avatangiisit iluarsartugassat qulaajarneqarnissaat.
- Utoqqaat illuini suliniutigineqassasoq Pissaanermut inatsit pillugu Naalakkersuisut nittartagaat www.usi.gl atorlugu sulisunut takutitassiaqarlunilu ilitersuussutigineqartarnissaa.
- Utoqqaat illuini suliniutigineqassasoq qulakkeerinneqataaffigalugulu, Pissaanermik inatsit pillugit sulisunut ataavartumik pikkorissaassutigineqartarnissaa, Pissaanermillu atuisoqarsimatillugu nalunaarusiortusaaatitaaneq naammassineqartuarnissaa.
- Utoqqaat illuini suliniutigineqartuassasoq, sulisut akornganni aaqqiagiinngittarneq eqqarsaatigalugu at-taveqatigiittarneq pillugu pikkorissaassutigineqartuarnissaa.
- Utoqqaat illuisa suliniutigissagaat, akimmisaarutitaqanngitsumik qanigisaasunik nereqateqarsinnaaneq aamma tukkusooqarsinnaaneq qanigisaasunullu periarfissiissutigineqarnissaa, najugaqartunullu tamanna eqqaasitsissutigineqartarnissaa.
- Utoqqaat illuisa suliniutigissagaat, najugaqartut pigisaminnik sillimmasiisinaanerat aqqutissiunneqarnissaat

Nuannersumik utoqqaat eqqartugaat assersuutit;

Tussiaqatigiittarnerit inuttut naleqassusermik tunisisarput.

Ataatsimut sammisaqarneq nuannaraarput.

Akinnaalliliilluni nalliuttoqaraangat naneruusertarneq ileqquuvoq nuanner-soq, kissaatiginaraluarpoq inuuissior-toqarnerit ta-maasa tamanna pisassa-soq, imaasinnaamat kingullermik nalliuttoq.

Nerisassioqataasinnaatitaalluni nuannaraarput, qangaa-nerusoq aqissitortarpugut, nammineq erisarlugit. Maanakkut sinnattuinnanngorput. Nunatta tunniussinnaasai meeraanitsinniit nerisaraagut, takkutarfiisa nalaani nerisara-lugit. Maana tamakku atunngillat. Tuttutorpugut, taamaalluta nassunissaagut. Qujanaqaaq annissigama.

Juullilernerani kaageeraliornerit nuannaralugit ukiumut qilanaar-tuutigisarpaput.

Utoqqaat ataatsimooqatigiikaangatta ataqati-giilluta nuannisartarpugut.

Piffissaqarfigineqarluni iluarusunnar-lunilu qujamasunnartarpoq.

Ullaakut kumoorne-qarneq, soraarfimmi-lu ullormut qujaneq pingaaruteqaaq.

Namineerluta nerisassiorsinnaatitaagaangatta mamarisatsinnillu igalluta naleqassuseq kinaasu-serpullu misigeqqittarpaput.

Kalaallit nerisassaati-sinnik nerigaangatta qujamasuttarpugut.

Sulisut sulilluar-tut qujamasunnar-taqaat

Ukioq 2025-mi samminiakkat

Kalaallit nunaata kangiani Utoqqaat inooqataanermikkut atugassarititaannik pininnaatitaaffiini paasisarsiorluni angalanissaq kiisalu Utoqqarnut sammisuni kiffartuussineq pingaartumik utoqqaat illuini – angerlarsimaffimmi ikiorteqartitsisarneq pillugu isumasioqatigiissitsinissaq

Aningaasaqarnikkut atugassarititat sulisussaqaarnikkukkullu unammillernartut siuliini taaneqareersut inner-suussutigalugit, pivusorsiornerunngilaq suliniutissanut allanut annertuunut allartitsinissaq.

Taamaammat 2025 ingerlanerani pivusorsiorneruvoq qulequttat marluk pingaarnersiuilluni samminissai.

Qujanarpoq iluarisimaarnarlunili, UPO-mut saaffiginnittartut 2024 ingerlanerani 300 % qaffariaateqarneri oqaluttuarisinnaanerit, utoqqaat pillugit pininnaatitaaffiit pillugit saaffiginnittarmata, unali UPO-tut eq-qanngitsoorsinnaanngilara, saaffiginnittartuni Kalaallit nunaata kangianiit saaffiginnittoqartannginnera annertuumik eqqarsartitsimmat, taamaammat tamassuma 2025 ukkanneqarnissaa siunniutaraa.

Aappaattut


Utoqqarnut tapersiisarnissamut inatsisissaq tusarniutigineqareerluni, maanna akuersissutigineqarnissaa Naalakkersuinikkut aalajangiisussani naalaarneqarluni utaqqineqarpoq.

Qularutigineqassanngilaq Inatsisip atuutilernissaa Utoqqarnik amerlasuuni qilanaarneqarpoq, naak ilaatigut paasinartartoq, Inatsisissap tusarniutigineqarnerani tamatiguut tusarniutigineqarnerani sumiiffinni Utoqqaat qanimut peqataatinneqartarsimaneri.


Inatsisissaq pininnaatitaaffiit ersarinnerusut, utoqqarnulli sammisuni kiffartuussinermi pininnaatitaaffiit aallaavigalugit suliassaqaqarnerunermi malitseqartinneqartussaavoq, tamannalu Inatsisissap aalajangiunneqarnissaa utaqqeqqaanngikkaluarlugu pingaaruteqarpoq, siumungaaq piareersimanissaq.

Utoqqaat pillugit angalasarninni naammattoortuagaa, aammalu siusinnerusukkut naammattoorsimanngisara tassaavoq, utoqqaat pillugit susassaqtartut peqatigalugit isumasioqatigiinneq, soorlu tamanna innarluutilinnut, meeqqanut inuusuttunut il.il ingerlanneqartarsimasut. Naalli utoqqarnut sammisuni, pingaartumik kiffartuussinermi pitsannguuteqartitsinissaq siunertaralugu isumasioqatigiittarnerit?

Tamassuma maqaasinera isersuaatigissanngilara.



Isiginnaarutit atorlugit maniitsumi utoqqaat illuani najugaqtartut ataatsimeeqatigineri





Ajaarriaq



Utoqqaat pillugit oqaaseqartartoq / Ældretalsmanden

Oqarasuaat / Telefon: +299 54 47 07 • E-mail: utoqqaat@nanoq.gl

Josefip aqqutaa B-749 • 3921 Narsaq, Kalaallit Nunaat, Grønland • www.utoqqaat.gl